

Broj:

Sarajevo, 8.11.2021. godine



PRIMLJENO: 08-11-2021			
Organizaciona jedinica	Klasifikaciona oznaka	Redni broj	Broj priloga
02-	50-6	2033	121

**Bosna i Hercegovina**

**Parlamentarna skupština Bosne i Hercegovine**

**Dom naroda**

n/r predsjedavajućeg Dragana Čovića

Na osnovu člana 9. Poslovnika Doma naroda Parlamentarne skupštine BiH („Službeni glasnik BiH“ br. 58/14, 88/15, 96/15, 53/16), podnosim delegatsku

### INICIJATIVU

kojom se zadužuje Kolegij Doma naroda Parlamentarne skupštine BiH da, najkasnije u roku od tri (3) dana od dostavljanja ove inicijative u parlamentarnu proceduru, sazove hitnu sjednicu Doma naroda Parlamentarne skupštine BiH na kojoj bi se kao prva tačka dnevnog reda razmatrala: **„Informacija Kolegija Doma naroda Parlamentarne skupštine BiH o razlozima blokade rada najvišeg zakonodavnog organa države Bosne i Hercegovine, s posebnim osvrtom na obrazloženje pravnog osnova blokiranja rada ovog državnog organa vlasti“.**


### OBRAZLOŽENJE

Blokada rada Doma naroda Parlamentarne skupštine BiH je opasna avantura sa nesagledivim posljedicama za sve građane i narode Bosne i Hercegovine. Krajnje je vrijeme da se ova vrsta antidejtonskog i antiustavnog djelovanja prekine, jer je to, između ostalog, promoviranje antiparlamentarizma kao jednog od temeljnih obilježja totalitarnih režima. Kršenje principa ustavnosti i zakonitosti nije evropska vrijednost. Podsjećam da su svi delegati u Domu naroda Parlamentarne skupštine BiH položili na početku mandata zakletvu/svečanu izjavu koja glasi: *Obavezujem se da ću savjesno poštovati Ustav Bosne i Hercegovine; u potpunosti provoditi Opći*

*okvirni sporazum za mir u Bosni i Hercegovini; štiti i zauzima se za ljudska prava i osnovne slobode; te štiti interese i ravnopravnost svih naroda i građana.* Nastavkom blokade Doma naroda Parlamentarne skupštine BiH i ne sazivanjem sjednice definitivno bi bilo potvrđeno da ste pogazili, između ostalog, i svečanu izjavu i da nemate namjeru obavljati povjerene funkcije i jasno propisane dužnosti.

S poštovanjem,

Delegat u Domu naroda PSBiH

  
Prof. dr. Denis Bećirović